

quod quaestio supra proposita dissertis verbis affirmat. Die ganze so genannte Christenheit sollte mit ihrer ganzen Verfassung zu Grunde gehen. Liberent itaque se, qui de revelationibus immediatis adhuc hodie non negandis adeo magnifice haecenus praedicarunt, liberent, inquam, se ab exceptionibus fanaticorum, utpote quibus praemissas aliquas concedere, & conclusiones negare non sufficiet: Ostendant, si hi non sint quibus contingat ista immediata inspiratio & revelatio, quinam sint illi, aut haecenus fuerint, nam tantam rem & prorsus admirabile opus DEI si detur in angulo abdito geri aut celari debere vel posse, minime omnium habemus nobis persuasum.

## §. VI.

Quaquam igitur dudum a nostratibus multis argumentis evictum sit, non dari OECONOMIAM DEI praeter eam quam a clauso canone ad nostra usque tempora accurate observavit, consistentem in publica verbi divini praedicatione, nunc solenniori nunc minus solenni per ordinarium ejus ministerium; tamdiu tamen ulteriori onere probandi supersedere possumus, donec ipsis dissentientibus inter se convenerit, in quo oeconomia nova ficta consistere debeat, quando incipiat, qualibus instrumentis ibi opus sit, quaenam sint illa *judicia*, quorum crudelitate praesens oeconomia tolli debeat, & in aliam prorsus commutari? quaenam doctrinae auferendae, & quae illis sublatis in locum sufficiendae sint? de quorum & plurium momentorum certitudine ante omnia elaborari debebit. Indicia coeterum a DEO varia immitti posse propter *impenitentiam* satis multorum, *contemptum* evangelii, *Numinis cultum* satis frigide institutum, aliaque *Scandala*, nemo pius negaverit: Inter ea *judicia* etiam evenire interdum, ut publica purioris doctrinae praedicatio aut ex provinciis nonnullis